

BOSNIA AND HERZEGOVINA
FEDERATION OF BOSNIA AND HERZEGOVINA
MINISTRY OF JUSTICE OF FEDERATION OF BOSNIA AND HERZEGOVINA

Broj: 09-45-1996/26
Sarajevo, 16.06.2026. godine

ZASTUPNIČKI DOM PARLAMENTA FBiH
n/r Sekretar Ivan Miličević
n/r zastupnik Admir Čavalić

VLADA FEDERACIJE BiH
n/r Sekretar Edita Kalajdžić

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 27			
Org. jed.	Broj	Priloga	Vrijednost
05/1	-02-	310	126

SARAJEVO

PREDMET: Zastupničko pitanje, odgovor – dostavlja se.-

Veza: akt Zastupničkog doma Parlamenta FBiH broj: 0/1-02-310/26 od 14.05.2026. godine, akt Vlade Federacije BiH broj: 03-04-852-14/2026 od 19.05.2026. godine

U vezi sa zastupničkim pitanjem, koje je postavio zastupnik Admir Čavalić, zastupnik u Zastupničkom domu Parlamenta Federacije Bosne i Hercegovine, a u kojem se navodi:

„Da li postoje pravne prepreke da gradska/općinska vijeća u Federaciji Bosne i Hercegovine posebnim odlukama povjere provođenje izbora za savjete mjesnih zajednica gradskim/općinskim izbornim komisijama, imajući u vidu da se takva praksa već primjenjuje u pojedinim jedinicama lokalne samouprave poput općine Centar Sarajevo, općine Novo Sarajevo i Grada Visoko.“

Federalno ministarstvo pravde daje slijedeći:

ODGOVOR

Odredbom člana 13. stav 2. alineja 9. Zakona o principima lokalne samouprave u Federaciji Bosne i Hercegovine ("Službene novine FBiH", br. 49/06 i 51/09) propisano je da općinsko vijeće u okviru svojih nadležnosti "donosi odluke o organizaciji mjesne samouprave i nazivima ulica, trgova i dijelova naseljenih mjesta".

Odredbom člana 24. stav 2. pomenutog Zakona propisano je da "Odlukom o osnivanju mjesne zajednice utvrđuje se naziv, sjedište, područje mjesne zajednice, mjesna područja, odnosno drugi dijelovi mjesne zajednice, kao i druga pitanja u vezi sa ostvarivanjem mjesne samouprave".

Odredbom člana 28. pomenutog Zakona propisano je "Statutom mjesne zajednice, u skladu sa statutom jedinice lokalne samouprave i aktom o osnivanju, utvrđuju se poslovi koje vrši mjesna zajednica, organi i postupak izbora, organizacija i rad organa, način odlučivanja i druga pitanja od značaja za rad mjesne zajednice".

Iz naprijed navedenog može se zaključiti da mjesne zajednice moraju imati svoje statute, koji moraju biti u skladu sa statutom općine i odlukom o osnivanju mjesnih zajednica.

Također je jasno da se statutom mjesne zajednice utvrđuje postupak izbora, organizacija i rad organa mjesne zajednice, kao i način odlučivanja.

Bitno je napomenuti da se ova materija detaljnije obrađuje Izbornim zakonom Bosne i Hercegovine ("Službeni glasnik BiH", BR. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 48/11 -Odluka USBiH, 15/12 - Rješenje USBiH, 11/13 - Rješenje USBiH 18/13, 7/14, 31/16, 1/17 -Odluka USBiH, 54/17- Rješenje USBiH, 41/20,38/22, 51/22, 67/22, 24/24. 24/24- ispravka), tumačenje istih nije u nadležnosti Federalnog ministarstva pravde, te Vas upućujemo da se obratite nadležnoj instituciji za dalja pojašnjenja.

S poštovanjem.



MINISTAR
Vedran Škobić

Dostaviti:

1. Naslovu,
2. U registar,
3. Arhivi.